

Siena, 12j.



suechet äs nöiis Daheime mit Freigang

Liebi Tierfründe

Lueget einisch, heit Dir so es Chatzli scho emou gseh? Ig bi d'Siena u öppis ganz öppis Bsunders, ig bi e Smoke-Chatz, ig ha siuberwiise Häärli mit schwarzi Schpitze, elegant, sag ig! Hüüft mir abr nid, ig sueche es nöiis Daheime. Warum? Mini Familie het sich trännt u sy hei chuum meh Ziiit für mi vor luuter Arbiete, ig chomme eifach nur no z'churz. Ends Apriu müesst ig is Tierheim, denn würd's nüm gah. Es pressiert auso es bitzeli. Drum!

Ig bi 12jährig, kaschtriert, gimpft, chippet, teschtet, gsung u schtuberein. Ganz es aahänglichs Büseli, abr itze chunnt's: ig bi e ächti Charakterchatz! Ig schmüsele gärn (wann u wie lang ig wott), ich schpiue ou (wann u wie lang ig wott), ig höckle ou gärn mit mim Mönsch ufm Sofa u tue fernsehluege (wann u wie lang ig wott). Wenn ig nüm wott, zeig ig's Dir. Abr we Du mi denn nid lahsch goh, denn chratze ig haut ou mängisch. Mit es bitzeli Chatzeerfahrig chasch mi abr guet läse u iischätze. Charakterchatz! Säg ig doch! Ig bi aafangs schüech, abr ou nöigierig und chumme denn doch go luege, bi immr es bitzeli hie- u härgrisse. Ig chenne u bruuche Freigang durch's Törli, so channi immer inne u usse, wie ig wott. Ching, Hung u Chatz i mim Daheime wott ig liebr nid, ig wär gärn Alleiprinzessin, nach dem Motto «alles Mis».

Ig sueche chatzeerfahreni, geduudigi Lüüt, die wo zu mir luege u mi lieb habe u mi eifach Siena loh sy. U mi so akzeptiere, wie ig bi u dass ig säuber bschtimme, wann ig schmüsele wott. Ig houe mir scho mini Schmuseiitheite bi Dir ab. Wohnsch Du verkehrsberuhigt im Grüne u hesch Du villlicht ou no en Garte? U chei angeri Huustier u chei Ching? Bisich Du pensioniert odr sunscht oft dihei u hesch viu Ziiit? Ziiit für mi? Ja? Denn chönnt das mis nöiie Daheime sy, denn müesst mir üs unbedingt lehre chenne. Ig wohne im Moment no z'Muri/BE, züggle aber gärn zu Dir, wo ou immer Du wohnsch. Mäud Di doch bitte ganz ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi ganz fescht uf Di! Mir zwöi, das wär's doch, odr?

Dini Siena



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch